

فريق التفريغات



سلسلة ندير سورة الحجرات

تلخيص

المحاضرة الأولى

رحلة إيمانية تربوية في سورة الحجرات

موعدنا مع سلسلة جديدة بإذن الله تعالى سنتناول فيها :

١. تدارس سورة الحجرات .
٢. كيف الانسان يتعامل مع القرآن و يتفاعل مع القرآن و يتدبر القرآن ، وأن القرآن يتحول الى منهج حياة يغير في السلوك يغير في حياتك يغير في المجتمع من حولك ، كيف تستوعب رسائل ربنا سبحانه وتعالى .
- ◀ القرآن فيه اسرار والقرآن غير العالم وغير الصحابة وغير جيل.. كان جيل قبل الاسلام ، كانت الدنيا صعبة جداً قبل الاسلام في حياتهم الاجتماعية والسياسية جه القرآن غير كل ده..
- تغيروا بهذا القرآن الا عن طرق منهجية معينة & كانوا يتعاملون بها مع القرآن فكانوا يطبقوا على طول، لا يتجاوزون الآيات حتى يتعلموا ما فيها من الحلال والحرام .
٣. وما يجوز في حق الله ، وما لا يجوز.
٤. وماذا ينبغي ان يتغير فيهم .

سورة الحجرات سورة عجيبة جدا في محتواها وفي اثارها على القلب..

مقدمة :

- 🔗 يجب أن نحرك القلب بهذا القرآن حتى يكون القلب يصلح في نفسه، ويستطيع انه يصلح غيره..
- ◀ القلب لا ينصلح إلا بأنوار القرآن فاذا كان القلب نقياً تقياً اثر ذلك على كل ما حوله زي ما ربنا وصف قلب المؤمن في قوله تعالى :
- (اللَّهُ نُورُ السَّمَاوَاتِ وَالْأَرْضِ مَثَلُ نُورِهِ كَمِشْكَاةٍ فِيهَا مِصْبَاحٌ الْمِصْبَاحُ فِي زُجَاجَةٍ الزُّجَاجَةُ كَأَنَّهَا كَوْكَبٌ دُرِّيٌّ يُوقَدُ مِنْ شَجَرَةٍ مُبَارَكَةٍ زَيْتُونَةٍ لَا شَرْقِيَّةٍ

وَلَا غَرْبِيَّةٌ يَكَادُ زَيْتُهَا يُضِيءُ وَلَوْ لَمْ تَمْسَسْهُ نَارٌ نُّورٌ عَلَى نُورٍ يَهْدِي اللَّهُ لِنُورِهِ
مَنْ يَشَاءُ وَيَضْرِبُ اللَّهُ الْأَمْثَالَ لِلنَّاسِ وَاللَّهُ بِكُلِّ شَيْءٍ عَلِيمٌ

🔗 ده مثال عجيب من امثلة ربنا بيوصف فيه :

١. القرآن .

٢. قلب المؤمن.

٣. الوحي .

🔗 المشكاة :

تجويف الحائط (زمان كان بيحطه مصباح في تجويف في الحائط ، عشان
التجويف بيرد النور ويبخلي الاضاءة احسن) .

◀ هذه المشكاة مثال علي صدر المؤمن ؛ المصباح هو قلب المؤمن ثم يمد هذه
الشعلة تمد بالوحي تمد الآيات وتمد الإيمانيات فتظل مشتعلة لكن لا بد ان هو
يشعلها ..

◀ لازم المؤمن يشعل الشعلة والا مش هينفعك من غير ما انت تعمل عملية
الاشعال .

🔗 الاشعال :

◀ هو عملية التفاعل مع القرآن نفسه، ان انت تبتدي تتفاعل مع القرآن
فيحصل الشعلة ويبتدي انك متوقفش لأنك لو وقفت الامداد بالزيت الدنيا
هتخبو.. فهي عملية مستمرة .

(يُوقَدُ مِنْ شَجَرَةٍ مُبَارَكَةٍ زَيْتُونَةٍ لَا شَرْقِيَّةٍ وَلَا غَرْبِيَّةٍ يَكَادُ زَيْتُهَا يُضِيءُ
وَلَوْ لَمْ تَمْسَسْهُ نَارٌ)

هذا هو الوحي ، الوحي مضيء في ذاته لكن هل هو مضيء في قلبك انت ،
ده محتاج منك انك تشعل الفتيل ، فأول ما تشعل الفتيل عملت اول خطوة
ولكن تفضل تمد بالزيت والا الشعلة تنطفئ .

◀ إن عملية التفاعل مع القرآن عملية مستمرة ، لازم تستمر في حياتك كل يوم
اربعة وعشرين ساعة ، تفاعل مع القرآن مش حالة بتجيلك في صلاة ولا
شيء بتحاول تتكلفه مثلا اثناء قراءة انما دي مفترض يكون منهج حياة انك

دائماً مستحضر القرآن انك انت دائماً بتحاول تتفهم القرآن حياتك كلها لازم تمشي كده.. لكن الاله ان قلبك يكون صالح لتلقي الانوار ، ربنا قال لنا ان مصباح في زجاجة الزجاجه دي لازم تكون نقيه علشان يبتدي النور يخرج منها والا لو الزجاجه معتمه مش هينفع حتى لو ولعت معه الف مصباح جواها مش هنشوف حاجه مش هنأثر في اللي حوالها فلا بد ان القلب يكون مستعد للتلقي.

- فلان القلب يكون نقي قلب صافي قلب فعلا يريد الهداية .

- هذا القلب كلما كان انقى كل ما اتفاعل بالقرآن احسن .

اهدافنا:

- ان نعمل تجربه قرآنية حقيقية .
- نبتدي نتفاعل مع القرآن نتدبر، نغير انفسنا ، ونغير الواقع من حوالينا .
- ◀ نحيي سنة النبي عليه الصلاة والسلام وصف اثرها "قال ما اجتمع قوم في بيت من بيوت الله يتلون كتاب الله ويتدارسونه بينهم الا نزلت عليهم السكينة وغشيتهم الرحمة وحفتهم الملائكة وذكرهم الله في من عنده"
- لو انت فعلاً جاي المجلس ده فعلاً تريد وجه الله فاعلم يقيناً انك تذكر عند الله الان باسمك وان الملائكة تصعد الى الله تعالى وسيحكون ماذا حصل في هذا المجلس بالأسماء
- ◀ (لازم نصح النية علشان ننتفع بالمجلس ده ان احنا نريد ان ندخل الجنة) ، النبي عليه الصلاة والسلام بين للصحابه فضل المجلس :
- قال النبي عليه الصلاة والسلام :** "من منكم يحب ان يذهب الى بطحان (وادي بيتربي فيه بمعروف بناقتين كوماوين زهراوين حاجة كبيرة فخمة من غير اثم ولا قطيعة رحم ولا هيسرقها ولا يعمل حاجة غلط)
- قالوا ما منا احد الا وهو يحب ذلك فقال : لان يذهب احدكم الى المسجد كل يوم فيتعلم آياتان من كتاب الله خير له من ناقتين ولو تعلم ثلاث آيات فهو خير له من ثلاث واربع خير من اربعة وخير من اعدادهم من الابل"
- ◀ الطبيعي هنتلوا القرآن وبعد كذا تتعلم تفسيره وتتعلم المعاني اللي فيه

بالتالي يحصلك حاله التذكية وهي تطهير النفس من مشاكلها وبالتالي تنقية القلب .

التفسير حاجة والتدبر حاجة، وان كان التدبر هو فرع للتفسير بس التدبر اللي هو اعمال الفكر في الآية .

❖ التدبر:

هو ايه المطلوب منها، بيقول لنا ايه ، طب وانا بعمل كده، طب انا بعملش كده ليه طب ايه اللي ما خلاني اعمل كده ، طيب الآية دي بتخاطب مين بتخاطبني ،، بتحذرنى من مين، بترشدني ليه...؟

◀ تبتي تعمل فكرة طب انا لو ما التزمتش في الآية دي هيجصل ايه ، طب يا نفسي متي تلتزمين ؟ وتقعدي تؤنب نفسك، تحاسب نفسك .

◀ يحصل لك حالة تدبر تطلع بمعاني وتبتي تحاسب وتجاهد نفسك عليها.

ويحصل لك حالتين بعد كده بعد التدبر :

✓ التذكر :

ما انت لما حاسبت نفسك دخلت نفسك الجنة ودخلت نفسك في النار وقعدت تحاسب نفسك انا لو ما التزمتش بدي هيجصلك ايه فحصل لك التذكر .

✓ **العمل :** ولما يحصل العمل تحصل التزكية: ده هيختلف وتذكي نفسك يبقى انت وصلت للهدف المطلوب من هذا القران الكريم

❖ سورة الحجرات:

السورة مدنية بالاتفاق نزلت بعد هجرة النبي عليه السلام .

◀ سبب النزول ، موقف حصل بين أبي بكر رضي الصديق وعمر رضي الله عنه ان النبي عليه السلام جاله وفد اسمه بني تميم .

لما النبي فتح مكة الناس تأتي اليه افواج بتدخل في الاسلام عام الوفود قيل سنه ٧ وقيل سنه ٩ واحنا قلنا بعد فتح مكة يبقى ممكن سنه ٩ من الهجرة .. فالسورة تقريبا نزلت سنه ٩ من الهجرة..

السورة دي نزلت في عام الوفود، فالمهم ان جاله وفد من قبيله اسمها بني تميم، النبي عليه السلام كان ديما لما بيشف وفد وقد كان يعين عليهم قائد يرجعوله يختار واحد حكيم فالمهم ابي بكر وعمر اختلفوا في القائد ده.

- فقال ابي بكر رضي الله عنه أمر القعقعان ابن الحارس، قال عمر بان امر ذكر رجل اخر .

- فقال عمر غضب ما اردت الا خلاف، قال ابو بكر والله ما اردت خلافك فتبادلله الكلام فارتفعت الاصوات في حضور النبي عليه الصلاة والسلام فنزلت السورة.

ابو بكر وعمر، الدنيا اتغيرت خالص بعد ما نزلت الآيات دي كانوا بيوشوشو النبي عليه السلام كان ممكن النبي عليه السلام يستفهم منهم ابو بكر يكلمه يقوله علي صوتك ، لذلك مليكه راوي الحديث قال **"كاد الخيران أن يهلكا"** ، مفيش حد كبير علي التذكرة مفيش حد كبير علي انه يتزكى مفيش حد كبير علي انه يتقاله اتقي الله اتقال لابي بكر وعمر وانتقلهم أن تحبط اعمالكم وأنتم لا تشعرون !

السورة دي منزلتش في منافق ولا نزلت في مرتد نزلت في ابي بكر وعمر كيف يكون انطباعك وانت تقبل علي السورة !

- وقيل انها نزلت في رجل ذبح قبل صلاة عيد الأضحى .
- وقيل انها نزلت في ناس كانوا بيصوموا يوم الشك بعد ما النبي عليه الصلاة والسلام نهى عنه ، يوم الشك ده اللي هو بكرة اخر يوم شعبان ولا بكرة اول يوم رمضان طب هصوم احتياطي احسن يطلع ما ينفعش النبي عليه الصلاة والسلام نهى ان يصام في هذا اليوم الذي فيه لازم يكون صيام رمضان بها..

خلاصة الاسباب :

يفيد ان موقف حصل استدعي تدخل الوحي ، والمواقف ده بيتكرر ممكن يتكرر في حياتك

ما هي العلاقة بين سورة الحجرات خصوصاً سورة الفتح ؟

لان سورة الحجرات جت بعد سورة الفتح وهناك ارتباط وثيق بين سورة الحجرات وسورة الفتح .

◀ سورة الفتح بتتكلّم عن صلح الحديبية سورة الفتح اللي تذكر "إنا فتحنا لك فتحاً مبيناً" المقصود مش فتح مكة انما المقصود به صلح الحديبية .

صلح الحديبية :

صلح حصل بين النبي عليه الصلاة والسلام وبين قريش .

◀ ان النبي عليه الصلاة والسلام خد الصحابة سنة ٦ الهجرة ذي القعدة وراح لهم عشان يعمل عمرة وكان العرف السائد ان مفيش حد يتمنع من عمرة مهما كان الخلاف بينه وبين قريش .

فالنبي عليه الصلاة والسلام خد الصحابة سنة ستة من الهجري ١٤٠٠ واحد وراحوا يعملوا عمرة فمنعتهم قريش وده حاجة جديدة ومحصلتش التاريخ ان قريش تمنع حد رايح يعمل عمرة وكمان جايب الهدى وجايب ومعاها الاغنام اللي هيهدوها للحرم..

◀ قالت له مش هتدخل وقف النبي عليه الصلاة والسلام في مكان اسمه الحديبية عشان كده اتسمي الصلح الحديبية ، المكان ده بره مكة ومدخلش مكة ووقف النبي عليه الصلاة والسلام مستنّي طب ايه الحل هنخش بالعافية، هيحصل قتال .

◀ فقريش لما قلقت كده ان يحصل مشكلة ولا بتاع بعثت واحد يتفاهم مع النبي عليه الصلاة والسلام قال له احنا جينا للعمرة مش جايين للحرب ولا نقاتل حد.

◀ يعني قريش يا اما تدخلنا او تدخل الاسلام .

قريش بعثوا **عروة ابن مسعود** الثقافي موصلش لحاجة وفي الآخر بعثه **سهيل ابن عمرو** هو ده كان راجل سياسي جداً وكان عارف يتعامل كويس مع النبي عليه الصلاة والسلام والنبي عليه الصلاة والسلام كان مستريح له ان هو راجل بيعرف يتفاهم .

◀ المهم في النهاية ان النبي عليه السلام انهى الموضوع بصلح بينه وبين قريش ما هو دلوقتي هو ممكن يخش يقاتل وهيكسب الف و أربعمئة واحد ده في بدر كانوا ٣٠٠ واخذ بالك فتخيل ١٤٠٠ ممكن يعملوا ايه !!

النبي عليه الصلاة والسلام كان ممكن يقاتل لكنه عليه الصلاة والسلام لم يختار هذا الحل ؛ لان النبي عليه الصلاة والسلام مش عايز يفتح ثاني باب

الحرب مع قريش .

◀ والسبب ثاني ان في جوة قريش في ناس مؤمنين مستضعفين بيكتموا ايمانهم لو حصل قتال ده هيموتوا ومحدث هيعرفهم هما كانوا مؤمنين ولا مش مؤمنين ويحصل مفسده كبيرة .

مات قصاد المشركين عدد من المؤمنين واصلا النبي عليه الصلاة والسلام عايز يوقف الحرب بينه وبين قريش فترة لان الحرب مسببة له مشكلة ان هو مش عارف ياخذ راحتة في الدعوة الى الله والناس في جزيره العرب كلها خائفة من قريش وكل واحد خايف ان هو يعبر عن اسلامه كل واحد خايف يظهر اسلامه كل واحد خايف يدخل الاسلام بسبب الحرب .

← فههدف وقوف الحرب هدف استراتيجي في الدعوة الى الله سبحانه وتعالى.

◀ فاراد النبي عليه السلام ان هو يطلع من الموقف ده بصلح ده عايز يدخل فيه شرط الهدنة.

فاتفق مع القريش على اتفاق :

✓ **الشرط الاول :**

قالوا له تعمل عمرة بس السنة الجاية السنة دي مش هينفع خلاص، هو القريش خافت على منظرها وفي نفس الوقت لازم يعمل عمرة فقالوا له تعملها السنة الجاية وافق عليه الصلاة والسلام .

✓ **الشرط الثاني :**

هدنه عشر سنين بين النبي عليه الصلاة والسلام بين قريش ودي اهم شرط كان عايز يوصل له عليه الصلاة والسلام .

✓ **الشرط الثالث :**

ان اللي عايز يدخل النبي عليه الصلاة والسلام يخش واللي عايز يخش في عهد القريش يخش اي قبيلة هتخش مع قريش ملزمة بالاتفاقية .

✓ **الشرط الرابع :**

ان اي حد يأتيك من قريش بدون اذن ولي مسلم ترجعه لنا واي حد يجي من المدينة مرتد لقريش مش هنرجعه لك لكن النبي عليه في الصلاة والسلام وافق.

◀ قريش خانت العهد حصل مشكلة وقتال وقريش كان في قبيلة تبعها كده هي اللي قتلت فحصل خيانة للعهد ، فالنبي خلاص العهد انتهى راح فتح مكة سنة ثمانية في رمضان .

طوبى كم كان عدد جيش النبي عليه الصلاة والسلام في فتح مكة ؟

◀ لغاية سنة ستة من الهجرة كانوا حوالي تسعة عشر سنة دعوة الى الله طلع ب الف وأربعمائة واحد !

بسبب الحروب كانت الدنيا ماشية بطيء ، في اقل من سنتين بقى معاه عشر الاف واحد زادوا اربع اضعاف عن العدد الاصلي .

ربنا امر النبي عليه الصلاة والسلام، عمر رضي الله عنه لم يحتمل اصلاً.

◀ يروح للنبي عليه الصلاة والسلام ويقول يا رسول الله (أولسنا على الحق هم على الباطل قال بلى قال يا أو ليس قتلانا في الجنة وقتلاهم في النار قال بلى قال فعلا ما نعطي في ديننا الدنيا قال يا عمر اني رسول الله ولست اعصيه وهو ناصري) .

◀ عمر رضي الله عنه لا يهدأ، يروح لأبي بكر يقول يا بكر قال السنا على الحق وهم على الباطل يقول له بلى

ابي بكر من غير مقابل النبي عليه الصلاة والسلام بيقول نفس الكلام قال يا عمر هو رسول الله صلى الله عليه وسلم وليس يعصيه والله ناصره فالزم غرسه فانه على الحق

◀ عمر رضي الله عنه الى ان تبين له مصالح صلح الحديبية ولما نزلت سورة الفتح مكش هدي إلا لما نزلت السورة عشان كده عمر رضي الله عنه يقول: فلما كنت اذكر ما فعلت يوم الحديبية كنت اعمل لذلك اعمال .

ام سلمه كانت معاه في الرحلة دي بتلاقيه مكتئب ومضايق مالك بيقول بأمر الناس فلا يتابعوني بقولهم يحلقوا انحروا مفيش حد قام هيهلكوا ، ام سلمه قالت له انت لا تتكلم ولا تقول انت تاخذ بعضك تطلع من هنا تحلق تذبح ترجع ، اديته حل فعلا مثالي جاب الحلاق حلق ذبح الهدى كل الناس شافوه كده ..

لهم اصلاً لماذا لا يستجيبوا ؟

قالوا يمكن ينزل وحي يمكن يغير رأيه يمكن يحصل في الامور جديد.

◀ قال الراوي حتى كاد يقتل بعضهم بعضاً من الغيظ ، "امر النبي الكلام هو الخير مع انه صلح مجحف وظالم لكن هو كان فيه الخير" .

◀ عشان كده سورة الفتح خلصت ويجي بعدها أول آية في سورة الحجرات:

"يا أيها الذين امنوا لا تقدموا بين يدي الله ورسوله"

لا تتقدم عليه برأي لا بقول ولا يكون في نفسك من امره اصلا لان دائما امر النبي عليه الصلاة والسلام فيه الخير .

ثم كذلك في علاقه اخري بين سورة الفتح والحجرات :

وهي أن سورة الفتح لما تتبعها كده تلاقيها بتتكلم عن اسباب النصر، منها :

- الثقة في الله والتوكل عليه.
- تحقيق الايمان بالله تعالى وتعظيم النبي عليه الصلاة والسلام واتباع امره واتباعه عليه الصلاة والسلام.
- تحقيق التوحيد تحقيقاً قوياً.

"كَزَرَ عَ أَخْرَجَ شَطْأَهُ فَآزَرَهُ فَاسْتَغْلَظَ فَاسْتَوَىٰ عَلَىٰ سُوقِهِ يُعْجِبُ الزُّرَّاعَ لِيُغِيظَ بِهِمُ الْكُفَّارَ وَعَدَ اللَّهُ الَّذِينَ آمَنُوا وَعَمِلُوا الصَّالِحَاتِ مِنْهُمْ مَغْفِرَةً وَأَجْرًا عَظِيمًا"

◀ وصفهم بالقوة المجتمعية في ترابط محبة الروح.

ثم فإذا الجيل له شروط معينة :

الايمان، الاتباع، الثقة بالله، الافراد نفسهم علاقتهم بربنا في التعبد تراهم ركعا سجدا لتحقيق العبودية تباع الرسول عليه الصلاة والسلام التأخي والتآزر والتعاون ..

◀ وكان سورة الحجرات بتقول ممكن يفسد الفتح ، عشان كدا سورة الفتح نزلت بعد تمكين اصلا سنه ٩ من الهجرة مش بتقولهم تفتحوا ازاي لا فتحوا خلاص بس بتحافظوا على الكلام ده ازاي .

◀ لان احنا لما نشوف الشروط اللي وضعت في سورة الفتح نجد التوجيهات اللي في سورة الحجرات، خلي بالك من عكسه لما اقول لك:

◀ "لَتُؤْمِنُوا بِاللَّهِ وَرَسُولِهِ وَتُعَزِّرُوهُ وَتُوَقِّرُوهُ وَتُسَبِّحُوهُ".

◀ هقول لك هنا "لا تقدموا بين يدي الله ورسوله".

وبقول لك مجتمع متكامل متعاون مترابط لازم احذرك من الحاجات اللي ممكن تدمر لك المجتمع منها:

- قبول خبر الفاسق "يا أيها الذين امنوا إن جاءكم فاسق بنبأ فتبينوا ان تصيبوا قوماً بجهالة فتصبحوا علي ما فعلتم نادمين"

السورة دي بتقول خلي بالك يا اللي التزمت في سورة الفتح وحقت شروط النصر وانتصرت فعلاً خلي بالك ممكن كل ده يبوظ منك:

١. بسبب عدم اتباع امر الله السبب قلة تلقيب النبي عليه الصلاة والسلام .

٢. بسبب قبول خبر الفاسد .

٣. بسبب مشاكل ما بينكم فالغيبة والنميمة والسخرية تبوظ لكم الدنيا.

سورة الحجرات بتتكلم عن :

١. المجتمع المثالي المجتمع الذي نريد، ممكن تعتبرها سورة المجتمع المثالي.

ما هو المجتمع المثالي الذي يرشدنا إليه رب العزة جل وعلا ؟

هو المجتمع المثالي الذي اوحاه الله الينا ، علاقة المجتمع ده مع الله علاقة المجتمع ده مع النبي عليه الصلاة والسلام علاقة المجتمع ده مع بعض.

٢. الفسوق، الخروج :

واحد خرج عن كل التعليمات هيسموه ايه فاسق ، وفيه مؤمن اللي هو بيعمل ملتزم بالتعليمات قربنا يقول لنا نتعامل ازاى مع الفاسق

(يَا أَيُّهَا الَّذِينَ آمَنُوا إِن جَاءَكُمْ فَاسِقٌ بِنَبَأٍ فَتَبَيَّنُوا أَن تُصِيبُوا قَوْمًا بِجَهَالَةٍ فَتُصْبِحُوا عَلَىٰ مَا فَعَلْتُمْ نَادِمِينَ)

◀ وبعد كده الآيات تكلما عن علاقة المؤمنين ببعض عشان تحافظوا على المجتمع المثالي.

اياكم والسخرية واللمز التناذب بالألقاب الظن التجسس الغيبة لو تجنبتموها الستة دول هتحافظوا على روح الود والاخاء والرحمة والتواصل ويعيش

المجتمع في سلام .

❗ايه اخطر حاجة ؟

١. اخطر حاجة خلل في التعامل مع الله ، ده اكثر حاجة.
٢. خطورة خلل في التعامل مع النبي عليه الصلاة والسلام .
٣. خطورة خلل في التعامل مع الفاسق ، ليه ؟

لان التعامل مع الفاسق يؤدي الى خلل في المجتمع كله لكن مهما كان في مشكلة بين المؤمنين مبتوصلش لدرجة الفساد العام .

❖ لما عبد الله بن السلول نشر ان السيدة عائشة وقعت فيما برأها الله تعالى منه حصل مشكلة كبيرة وفعلاً كاد يحصل قتال بين المهاجرين والانصار بسبب الموضوع ده ، يبقى انا لما يبقى عندي مشكلة في تعامل مع الفاسق ممكن يوصل الامر مش بقى شحناء وبغضاء لا هنوصل لدرجة قتال .

❗ اسم السورة الحجرات :

القصة :

ان الناس كانوا راحوا عند النبي عليه الصلاة والسلام وفد من الوفود اللي جت فالنبي عليه الصلاة والسلام كان جوا بيته فالناس واقفين برة والرجل يقول فين محمد قالوا له جوه فقعدوا ينادوا عليه يا محمد يا محمد اخرج الينا.. مينفعش يتعامل مع النبي كده ما ينفعش يناديه كده، عادي كده تروح مناديه كده يطلع لنا! انت تستناه هو يطلع لك زي ما يطلع

(ولو انهم صبروا حتى تخرج اليهم)

قاعد جوة بيعمل ايه، ما اكيد في مشكلة في حاجة في سبب خليه جوة مينفعش تنادي عليه كده وتعلي صوتك ، المهم ان كلمة الحجرات اتذكرت في الحثة دي .. ممكن تقول اسم السورة بعيد عن موضوعها شوية .

كلمة الحجرات مفردها حجرة ، هي اصلاً جاية من كلمة الحجرة..

❖ يعني اي واحد يحجر على واحد، يمنعوا من التصرف ، فكأن كلمة معناها الحواجر والموانع ؛ لان احنا قلنا ان السورة كلها موانع متعملش كذا، لا

تقدمه، لا ترفعه، لا يسخر لا يغتب...

◀ كلها حجرات بتحجرك متعلمش فكأنها بتضيق عليك التصرف لمصلحتك .

ممكن تبص لها بمعنى ثاني اللي هي الحجرة اللي بنقعد فيها.

◀ اللي بيخش الحجرة يستر نفسه، يحمي نفسه من البرد سقعان يروح البيت يقفل على نفسه، مش عايز حد يكلمني يقفل على نفسه ، مش عايز حد يزعجني ، عايز اركز يقفل على نفسه ، فكأن دي الحجرة التي تحفظك..

فاعتبر كل اية حجرة ، هي دي الحجرات.

◀ تعالى نخش جوة كل حجرة علشان نمنع نفسنا من تصرفات معينة ، علشان نحمي نفسنا ، علشان نتستر ، علشان نأمل ، علشان نحس بالأمن.. بخش الحجرة بحس بالأمن ، لو دخلت حجرات تشعر بالأمان والراحة والسكينة والسعادة..

خلي الحجرات دي تحجر علينا ، تحجر على شهواتنا شوية ، تحجر على نزواتنا، تحجر على الشيطان اللي بيوزنا ، تحجر على نفسك الامارة بالسوء وتمنعك من تصرفات نفسي ، اسخر من صحبي وهكذا

سبحانك اللهم وبحمدك نشهد أن لا إله إلا أنت نستغفرك ونتوب إليك